

- 434 -

Na osnovu člana 6. Zakona o građevinskom zemljištu Federacije Bosne i Hercegovine («Službene novine FBiH», broj 67/05), člana 13. stav 2. alineja 8. Zakona o principima lokalne samouprave u Federaciji BiH («Službene novine FBiH», broj: 49/06), člana 3. stav 1. i člana 32. stav 1. Odluke o zauzimanju javnih površina («Službeni glasnik Općine Zavidovići», broj 4/04, 1/06 i 3/07) i člana 25. stav 1. tačka 10. Statuta općine Zavidovići («Službeni glasnik Općine Zavidovići», broj 5/2008 i 5/a/2008), Općinsko vijeće Zavidovići na 11. sjednici održanoj dana 09.06.2009.godine, donijelo je

O D L U K U

o usvajanju Plana o izmjenama Plana privremenog zauzimanja javnih površina ispred ugostiteljskih radnji, ispred trgovačkih radnji, postavljanja kioska i postavljanja štandova za prodaju bostana i sezonskog voća i povrća za 2009 godinu

Član 1.

Usvaja se Plan o izmjenama Plana privremenog zauzimanja javnih površina ispred ugostiteljskih radnji, ispred trgovačkih radnji, postavljanja kioska i postavljanja štandova za prodaju bostana i sezonskog voća i povrća za 2009 godinu (u daljem tekstu: Plan).

Član 2.

Za provođenje ove Odluke zadužuje se Služba za upravu ekonomskih poslova i poduzetništvo.

Član 3.

Sastavni dio ove Odluke je Plan sa grafičkim prilogom.

Član 4.

Ova Odluka stupa na snagu prvog narednog dana od dana objavljivanja u „Službenom glasniku općine Zavidovići.

OPĆINA ZAVIDOVIĆI
- OPĆINSKO VIJEĆE -

Broj: 01-23-2009/09
Datum: 09.06.2009.godine

PREDSJEDAVAJUĆI
OPĆINSKOG VIJEĆA

ing. Radosav Petrović, s.r.

(M.P.)

O B R A Z L O Ž E N J E

PRAVNI OSNOV

U članu 6. Zakona o građevinskom zemljištu Federacije Bosne i Hercegovine («Službene novine FBiH», broj 67/05) određeno je da: «Općina upravlja i raspolaže gradskim građevinskim zemljištem u državnoj svojini na način i pod uslovima predviđenim zakonom i propisima donesenim na osnovu zakona.

U članu 13. stav 2. alineja 8. Zakona o principima lokalne samouprave u Federaciji BiH («Službene novine FBiH», broj: 49/06) određeno je da: «Vijeće u okviru svojih nadležnosti donosi plan korištenja javnih površina».

RAZLOZI DONOŠENJA ODLUKE

Na 6. sjednici Općinskog vijeća Zavidovići razmataran je i usvojen Prijedlog odluke o usvajanju izmjena i dopuna Regulacionog plana «Centar I» Zavidovići i Prijedlog odluke o provođenju izmjena i dopuna regulacionog plana «Centar I» Zavidovići. Navedenim izmjenama i dopunama Regulacionog plana «Centar I» Zavidovići predviđeno je da se pristupi privođenju trajnoj namjeni zemljišne parcele k.č. broj 1227/8 k.o. Zavidovići radi izgradnje stambeno-poslovnog objekta. Obzirom da na navedenoj zemljišnoj parceli privredno društvo «OPRESA» DD Sarajevo ima postavljen kiosk, isti je potrebno pomjeriti sa lokacije na kojoj se trenutno nalazi kako je to prikazano u grafičkom prilogu ove odluke. Izvođenje radova na objektu koji se planira izgraditi na navedenoj lokaciji moraju se odvijati na način da postavljeni kiosk ne ometa izvođenje radova, te po njezinoj izgradnji navedeni kiosk ne smije ometati njezinu upotrebu. Iz navedenih razloga predlaže se donošenje ove odluke.

Obzirom da predložena Odluka nije obimna i složena, te se iz navedenih razloga predlaže da Općinsko vijeće razmatra prijedlog ove Odluke po skraćenom postupku u skladu sa članom 124. Poslovnika o radu Općinskog vijeća Zavidovići («Službeni glasnik općine Zavidovići» broj 12/2008).

FINANSIJSKA I DRUGA SREDSTVA POTREBNA ZA SPROVOĐENJE ODLUKE

Za sprovođenje ove Odluke nije potrebno planirati finansijska sredstva u Budžetu općine Zavidovići za 2009. godinu.

OPĆINSKI NAČELNIK

Hakija Osmić, dipl. ecc.